

芻者謂此法中人已受圓具釋罪如上此中  
犯相其事云何若苾芻以內身分或以外物  
或兩俱棄云何內身苾芻以瞋恚心若以一  
指打苾芻時得一墮罪若二得二乃至以五  
指打時得五墮罪若以拳肘頭肩髀膝乃至  
足指皆得墮罪是謂內身云何外物苾芻以

瞋恚心將細草莛或以箭幹及餘器具乃至  
棗核或搗芥子遙打擲他隨一著時皆得墮  
罪是謂外物云何二俱若苾芻手執刀杖打  
擊前人及餘種種兵器之類乃至箒蓮樹葉  
隨所著處皆得墮罪是謂二俱若為令彼怖  
或為成就呪術打搭前人此皆無犯又無犯  
者謂初犯人或癡狂心亂痛惱所纏

根本說一切有部毗奈耶卷第三十七 益七

畫寢上知右反踰繕上羊宋反蟲豸上直弓  
爾覲徒的盜瓮上浪反羅漉下音洒濯下直  
濁音洗撩理上音鞭與吾更反相遺下去撫年典

磧上音覓反磧下音粘二同兼捐洩字二  
音綠宮闈下音疑反額下音儔反流反  
叛下音帥反類反莖上音額下音儔反流反  
虛音健反池反達反鯨反京反翅反智反稍音鵬音箒音蓮音  
瓦反狎反胡反甲反胯反苦反瓦反草反莛反項反亭反籜反罕反

根本說一切有部毗奈耶卷第三十八 益八

唐三藏法師義淨奉制譯

擬手向苾芻學處第四十九

介時薄伽梵在室羅伐城住逝多林給孤獨  
園時具壽大目犍連與十七眾出家并受圓  
具廣說如前令其執作彼不隨教時鄢陀夷

一

即便瞋忿勢手向一彼十七人一時皆倒高  
聲啼泣餘苾芻問其故何因瞋一十七俱倒  
答白我若不俱倒地恐皆被打苾芻嫌賤以  
事白佛佛便訶責乃至我觀十利為制學處  
應如是說

若復苾芻瞋恚故不喜擬手向苾芻者波逸

底迦若復苾芻等者事並同前言擬手者謂舉手擬他釋罪同前此中犯相其事云何有內外俱內謂苾芻芻其一指擬苾芻時得一墮罪乃至五指得五墮罪或以拳肘從頭至足准事如前是謂為內外者將草蓮等擲擬前人如上廣說俱者謂手執杖等以擬前人皆得墮罪若為利益令彼恐怖或復欲令呪術成就勞擬前人並皆無犯又無犯者謂初犯人或癡狂心亂痛惱所纏

覆藏他罪學處第五十

佛在室羅伐城逝多林給孤獨園時六衆苾芻與他出家并受圓具而為共住時諸弟子若未知彼是惡行人悉皆承事親近供養後既知已便捨而去與善苾芻共相狎習然為敬佛教故每日三時親為敬禮其難陀苾芻有親弟子名曰達摩彼未知師是惡行者與之共住後既知已捨之而去與善苾芻同居敬佛教故每日三時常來禮謁因白師曰

波駄耶存念我今請白欲向寺園閑靜之處隨情作業難陀報曰尔當謹慎波難陀聞是語已報達摩曰汝持我座共尔俱行達摩白言豈阿遮利耶亦於晝日詣閑林處而逐靜耶波難陀曰癡人汝意謂我心常散亂無所了知何靜慮門我不通解達摩答曰我

實不敢作此思惟但問軌範師向晝日遊處不是時達摩便持彼座往晝遊處置一樹下即自斂身詣一靜處加趺而坐繫念思惟波難陀隨後而至達摩遙見白言大師彼處樹下已安座訖宜當就彼安靜而住時波難陀即便往彼就座而坐衣覆頭面斂念思

卷八

二

惟心不能安還從座起周迴四顧見一女人毀籬欲入波難陀遙喚達摩曰達摩汝今知不有人毀籬達摩報曰阿遮利耶幸可思念逝多林經波難陀曰癡人汝今方解依經而住汝豈不聞世尊之教於僧祇物不應捨棄我今自往遮彼女人即從座起既至彼

已問言少女何意毀籬女人便笑時鄔波難陀染心遂起即便捉臂徧抱女身嗚呼其口捨之而去往達摩所問言汝何所見答曰唯除交會餘事皆見鄔波難陀曰具壽雖知汝見勿告餘人報言大師乃至未見善苾芻來我終不說鄔波難陀曰汝親教師有鄙惡事

我常覆蓋汝見我過不藏護耶達摩曰大師知他有鹿惡罪共相覆護如此之事我當先說達摩便去告諸苾芻諸少欲者聞生嫌賤舉以白佛佛集苾芻乃至我觀十利為制學處應如是說

若復苾芻知他苾芻有鹿惡罪覆藏者波逸

底迦

若復苾芻者鄔波難陀餘義如上知義亦如上苾芻者謂是難陀鹿惡罪者有二種謂波羅市迦罪僧伽伐尸沙罪何故此二名為鹿惡自體及因皆鹿弊可惡故言鹿惡覆藏謂掩蔽也釋罪同前此中犯相其事云何

益八

三

若復苾芻見苾芻犯他勝罪時作心覆藏乃至明相未出已來得惡作罪明相出已便得墮罪若覆他殘罪事亦同此若苾芻見苾芻犯波逸底迦罪時作心覆藏乃至明相未出已來得惡作罪明相出已亦得惡作如是別悔法乃至惡作罪覆藏亦尔若說罪者恐他

與為障礙之事或為梵行等難或復緣此令僧破者覆皆無犯又無犯者謂初犯人或癡狂心亂痛惱所纏

第五攝頌曰

伴惱觸火欲 同眠法非障 未捨求寂捺

收寶極炎時

共至俗家不與食學處第五十一

佛在室羅伐城逝多林給孤獨園難陀苾芻有弟子名曰達摩性懷慙耻於犯追悔廣說如前乃至重佛教故日別三時就師致禮時鄔波難陀語難陀曰大德當知達摩於我先有離隙我必對佛僧及餘眾前彰其惡響作

不饒益事或令一日絕食受飢難陀報曰此之達摩稟性持戒媿取為懷追悔在心曾無有犯何能與彼作無益事鄔波難陀曰我今必當令彼無食受餓難陀聞已便作是念寧使絕食不可令其漫彰餘過時有長者來請難陀鄔波難陀就舍而食是時難陀報鄔波

難陀今日我令達摩絕食鄔波難陀曰今正是時達摩時至欲得乞食便詣師處禮拜合掌白言鄔波馱耶存念我今欲行乞食師便報曰我於今日有一施主來請我食并弟子一人汝可與我就彼而食便白師曰豈我比來曾隨師後受請食耶鄔波難陀聞其語已

而告之曰達摩我先別聞與今見異我意謂汝稟性持戒慙愧為懷遵奉師言情無違逆豈復本師以不淨物而勸於汝何故汝今見違上命是時達摩既蒙大德訶責默然而止復白師曰我取水羅及乞食鉢方從師去鄔波難陀報言具壽更復何用水羅鉢為於彼

益八

四

舍中自有淨器其水先濾亦復無蟲即可與我相隨而去是時達摩尋從師後有一乞食苾芻見而問曰具壽達摩欲何所適報言欲往請處乞食者報曰具壽知量而食達摩曰大德事未可知為當得食為絕食耶時乞食者相隨而去入室羅伐城時難陀鄔波難陀

與其弟子至一店所其難陀達摩便住於此鄔波難陀即往施主家飽足食已還來店上難陀次往就舍而食達摩便白鄔波難陀曰阿遮利耶時將欲至我當行矣鄔波難陀報曰彼施主家眾事皆辦至便噉食更何所憂待至臨中我當共去達摩即起以足量影鄔

波難陀報達摩曰癡人汝言謂我不護尸羅心常懈慢非時食耶汝今宜去若住於此今我不樂若語若坐無有歡心不如獨住汝勿居此達摩念曰我若持羅及鉢來至此者當行乞食今既無羅及鉢其欲如何遂歸寺所乃至食力未盡已來專修善品及食力衰委

脅而卧時乞食者還至寺中見達摩卧告曰  
具壽達摩食是他物腹豈他耶恣意飽餐遂  
令不能作業答言大德誰餐飽食報云何非  
今日受他請食答言不食問言何故即以上  
緣次第陳告時乞食者告諸苾芻苾芻聞已  
各生嫌賤作如是語云何苾芻故心令他苾

益八

五

芻絕食以緣白佛佛集僧眾問答虛實廣說  
如前乃至我觀十利制其學處應如是說  
若復苾芻語餘苾芻作如是語具壽共汝詣  
俗家當與汝美好飲食令得飽滿彼苾芻至  
俗家竟不與食語言具壽汝去我與汝共坐  
共語不樂我獨坐獨語樂作是語時欲令生

惱者波逸底迦

若復苾芻者謂耶波難陀餘義如上餘苾芻  
者此法中人共至俗家者謂四姓家言美好  
飲食謂五噉食及五噉食令得飽滿者謂恣  
意而食汝去等者是驅遣言語謂讀誦坐謂  
禪思獨坐等樂者明作惱意令彼絕食以此

為緣不為餘事釋罪同前此中犯相其事云  
何若苾芻故心令他苾芻絕食者得波逸底  
迦若為病緣醫遣絕食不與無犯又無犯者  
謂初犯人如上

觸火學處第五十二

佛在室羅伐城逝多林給孤獨園時此城中  
有諸賣人往詣佛所禮雙足已次至阿難陀  
處問曰世尊夏了欲向何處阿難陀具答廣  
說如前觀其先兆欲向王舍城賣主問知行  
日多少即皆預辦供設所須時阿難陀每日  
常在賣主前行遂見岐路奉侍世尊世尊見  
已問言汝今何故住此不行阿難陀曰大德

今此二路一是直道多有師子虎豹恐怖難  
行一是曲路安隱無礙我今不知欲趣何路  
佛告阿難陀宜取直路但他揭多離諸怖畏  
故尔時世尊便取直路至一聚落時聚落中  
有二童子在村門戲一人持鼓一人執弓時  
二童子見世尊來即便禮足白佛言世尊善

來善來因何世尊欲從險道而為遊涉唯願  
世尊勿生恐怖我等為佛作引導人一在前  
行鳴鼓而去一持弓矢隨後而來世尊見去  
便作是念此二童子久植善根今遭遇我告  
曰汝等二人今可歸去如來大師久離怖畏  
師子虎豹何所能為一人佛前聲鼓一人對

益八

六

佛彈弓禮佛足已遂還本處亦時世尊即現  
微笑有種種光從口而出所謂青黃赤曰紅  
頗胝色此之光明或有沉下或復上昇其光  
下者下至速活地獄黑繩眾合小叫大叫小  
熱大熱阿毗地獄及八寒地獄光既至彼若  
諸有情受炎熱者皆得清涼若處寒冰便獲

溫暖彼諸有情離苦安樂皆作是言我與汝  
等為從地獄死生餘處耶亦時世尊為欲令  
彼諸有情類生信喜故便遣化身往地獄內  
彼見化已咸作是說我等不於此死而生餘  
處必是由此希奇大人威德力故令我身心  
除苦得樂既生信已便能消滅地獄諸苦於

人天趣受勝妙身常為法器能見諦理其上  
昇者上至四大王眾天三十三天夜摩天觀  
史多天化樂天他化自在天梵眾梵輔大梵  
少光無量光光音少淨無量淨徧淨無雲福  
生廣果無煩無熱善見善現色究竟天所至  
之趣光中演說苦空無常無我等法并復說

此二伽陀曰

汝當求出離

於佛教精勤

降伏生死軍

如象摧草舍

於此法律中

常修不放逸

能竭煩惱海

當盡苦邊際

時彼光明徧照三千大千世界已還至佛所  
若佛世尊說過去事光從背入若說未來事

益八

七

光於臂入若說地獄事光從足下入若說傍  
生事光從足跟入若說餓鬼事光從足指入  
若說人事光從膝入若說力輪王事光從左  
手掌入若說轉輪王事光從右手掌入若說  
天事光從齊入若說聲聞事光從口入若說  
獨覺事光從眉間入若說阿耨多羅三藐三

菩提光從頂入是時光明繞佛三匝從頂而入時具壽阿難陀合掌恭敬白佛言世尊如來應正等覺非無因緣熙怡微笑即說伽陀曰  
 世尊遠離掉憍慢 於有情中第一尊  
 降伏煩惱及諸怨 若無因緣不微笑  
 如來自證真妙覺 諸有聽者皆樂聞

牟尼最勝願宣揚 大眾疑心為開決

佛告阿難陀如是如是如來應正等覺非無因緣而現微笑汝見二童子引導我不白佛言見佛告阿難陀以此善根於當來世十三劫內不墮惡趣生人天中於最後身得成無上正等菩提一名法鼓音如來二名施無畏

如來今時世尊說是記已隨路而去至一村隅林中而宿如佛所說苾芻住處乃至樹下亦應隨次共分時六眾苾芻分得一枯樹夜被寒逼以火燒樹於此樹中有蛇依止蛇被烟熏緣枝而上垂身欲下六眾見蛇高聲唱言欲墮欲墮時諸賣人聞是聲已成作斯念

有師子入營跳擲而墮便大驚怖四向奔走于時世尊告阿難陀曰何意賣旅四面逃奔阿難陀曰佛言大德如佛教勅凡諸苾芻所在之處應隨長幼而共分之六眾苾芻今宵宿處分得枯樹被寒所逼以火燒樹於此樹中有蛇依止蛇被烟熏緣枝而上放身欲下

六眾見蛇高聲唱言欲墮欲墮時諸賣人聞是聲已成作斯念有師子入營跳擲而墮便大驚怖四面奔逃世尊告曰汝可急去報諸賣人如來在處離師子怖速命賣旅勿復驚惶時阿難陀奉教告知諸人咸至時諸苾芻見是事已悉皆有疑俱來白佛大德何意六

益八

八

眾作墮落聲驚諸賣旅世尊因此重為安慰令離憂怖

佛告阿難陀非但今日驚怖賣旅乃往古昔已曾恐懼於他令彼四面逃走我為安慰令離憂惱汝等當聽於過去世在彼水側有頻螺果林於此林中有其六兔共為知友依止

而居時頻螺果熟墮水作聲于時六兔聞果落聲形小志怯便大驚怖四向逃走時有野干見其奔走来問其故兔曰我聞水內有非常聲將非猛獸欲來害我緣此事故我等逃奔野干亦走如是猪鹿牛象豺狼虎豹及小師子等各相詰問聞斯語已悉皆奔竄去斯

不遠於山谷中有一猛師子王依止而住于時師子見諸獸類惶怖奔馳而問之曰汝等皆有爪牙勇力何所怖懼各見驚馳皆悉報言我聞惡聲非常可畏定有猛獸來害於我爲此驚惶求安靡地師子報曰在何處所而作惡聲諸獸答曰我亦不知何處作聲師子

報曰若未委者君等莫走我爲審觀是何聲耶即問虎曰汝何處聞答曰我從豹聞如是展轉問詰至兔兔云此之怖聲是我親證非是傳聞仁等俱來共觀聲處于時諸獸咸悉共至頻螺林所兔曰此是驚怖起處須臾暫住還聞果落墮水作聲師子報曰此是食果

益八

九

非關恐怖尔時空中有天見已說伽陀曰

不應聞他語便信 當須親自審觀察

勿如樹果落池中 山林諸獸皆驚走

汝等苾芻勿生異念往時師子王者即我身是往時六兔驚恐諸獸我已爲其作安隱事六兔者即六衆是今時復緣驚諸寶旅我亦

爲其作安隱事尔時世尊爲說昔緣令諸苾芻斷疑惑已告阿難陀曰汝今可去徧告寶人汝等今日不應先去如來當在寶旅前行時阿難陀如佛所教具告寶旅汝勿先去尔時世尊及諸僧衆皆在前行至險林中有師子王欲來害佛世尊見來便舒右手於五指

頭化出五師子彼聞此氣即便奔走出尊便於四面化爲猛火紅燄侵天飛光裂地八方徧合求避無由唯見佛邊清涼可愛是時師子便詣佛所頂禮雙足尔時世尊便以百福莊嚴衆相具足無畏右手摩師子頭告言賢首汝於先世已作惡業墮傍生中復於尔時



常以害心斷他生命活自己身於此命終還  
生惡趣賢首諸行無常諸法無我涅槃寂滅  
汝於我所應生信心於傍生趣深起狀離時  
諸苾芻亦以手觸師子師子見觸作不忍聲  
佛告諸苾芻汝等勿觸師子何以故猛獸獲  
烈性難親附若輒觸者致有損傷是故汝等

莫觸師子若諸苾芻觸師子時得惡作罪若  
觸石師子草師子或泥土作及畫者並皆無  
犯調師子已佛與苾芻隨路而去時師子王  
辭佛而住便作是念我今不應親於佛所聞  
三句法更斷他命而活已身我今宜應要心  
絕食不復餐噉凡諸畜類火力增強不堪忍  
飢遂便命過生四大王衆天初生天者法亦  
有三種念我於何處死今於何處生由何等  
業招斯異熟即便自知從畜趣死今生四大  
王衆天曾作何業由於佛邊生淨信心時此  
天子復作是念我今宜應往詣佛所承事供  
養于時天子以天瓔珞莊嚴其身以天妙華

益八

十

盛滿衣角過於夜分放大光明來詣佛所即  
以天盂鉢華俱牟陀華鉢沓摩華分陀利華  
布列佛前而為供養禮佛足已在一面坐由  
此天身光明赫奕周徧晃耀蘭若林中悉皆  
明顯

爾時卅尊隨彼天子意樂隨眠根性差別而  
為說法能令悟入四真諦理是時天子既聞  
法已即於座上以金剛智杵摧破二十種薩  
迦耶見山得預流果既見諦已白卅尊曰大  
德由卅尊故今我證得解脫之果此非父母  
高祖人王天衆沙門婆羅門親友眷屬之所  
能作我逢卅尊善知識故於地獄傍生餓鬼  
趣中拔濟令出安置人天勝妙之處當盡生  
死趣涅槃路乾竭血海超越骨山無始積集  
薩迦耶見山以金剛智杵而摧破之得預流  
果我今歸依佛法僧寶唯願卅尊證知我是  
鄒波索迦始從今日乃至命存受五學處不  
殺生乃至不飲酒作是語已時彼天子深心

歡喜得未曾有禮佛而去還適天宮時諸苾芻於初後夜警覺用心思惟而住見世尊處有大光明周徧晃耀蘭若林中便生疑念有何天衆來詣佛所由彼福力光徧林中至天曉已往詣佛所頂禮尊足在一面坐而白佛言我於昨夜見大光明徧滿林中便生是念

益八

十一

豈非梵世諸天及天帝釋或四天王及餘殊勝大威德天來詣佛所親承供養由彼力故光徧林中亦時世尊告諸苾芻曰昨夜光明非是梵王帝釋及餘天衆威神之力汝豈不見林中大師子王親於我邊聞三句法諸苾芻白佛言我等已見佛言彼師子王從我聞法於此命過生四天王衆天既受天身報恩供養來至我所奉獻天華我爲說法既聞法已便得見諦還本天宮由彼力故光徧林中時諸苾芻聞是語已請世尊曰我等不知彼師子天曾作何業由彼業故招異熟報墮師子中復由何業命終之後生在四天王天復

作何緣聞佛法已獲預流果得未曾有還本天宮世尊告曰汝等當聽此之天子前身作業因緣運合至成熟時不於外界地水火風令使成熟還於自身蘊界處中內善惡業而受其報即說頌曰

假令經百劫 所作業不亡 因緣會遇時

果報還自受

汝等苾芻應至心聽於過去世人壽二萬歲時有佛出世名迦葉波十号具足有二萬弟子以爲眷屬在婆羅痾斯國而爲住止彼迦葉波佛未出世時於此城中有婆羅門學善四明博通諸論時世人衆極生尊重同心敬仰以爲大師若迦葉波佛出之後人皆敬佛不復就彼共相承事時迦葉波應正等覺於無量百千大衆之中宣揚妙法時婆羅門在衆邊過見彼世尊於百千衆中而爲說法便生嫉妬口出鄙語作如是說此之沙門不知怖畏猶如師子在大衆中爲他說法諸餘

聽者猶如小獸敬受其法時彼世尊聞此語  
聲告婆羅門曰婆羅門汝於天人師處出處  
惡言當於地獄受諸苦報汝今宜可來至我  
所至心說罪罪得輕薄時婆羅門聞佛教已  
內興耻愧於世尊前自言其過既說罪已即  
於佛邊歸依三寶受五學處為馱波索迦汝

益八

十二

等苾芻勿生異念往時婆羅門者由其惡口  
親於佛前作輕慢語因彼惡業雖復說罪尚  
有餘報於五百生中常為師子或受餘報今  
猶未息由於我所生正信心聞三句法得生  
天上由於迦葉波佛前歸依三寶受五學處  
緣彼業力今於我所證真諦理得預流果還

本天宮是故苾芻汝等當知作純黑業得純  
黑異熟作純白業得純白異熟若作雜業受  
雜異熟汝等從今當捨黑業及以雜業當莫  
放逸修純白業如是應學時諸苾芻及人天  
眾聞佛說已信受奉行尔時世尊漸次遊行  
到摩揭陀至王舍城住羯闍鐸迦池竹林園

中時六眾苾芻於然火處各以火頭共相調  
弄或作日月形外道見時各生輕賤作如是  
語仁等知不沙門釋子火頭調戲與彼童兒  
有何異相云何減割妻子之分給此禿人充  
其鉢食時諸苾芻聞是語已具白世尊尔時  
世尊集諸苾芻廣說如前乃至我觀十利為

諸苾芻制其學處應如是說

若復苾芻若自然火若教他然者彼逸底迦  
尔時世尊為諸苾芻制其學處不應觸火諸  
苾芻眾於如來窻觀波處更不燒香然燈以  
為供養亦不承事親教師軌範師以暖湯水  
及熏鉢染衣等並不復作尔時世尊知而故

益八

十三

問具壽阿難陀曰阿難陀何故苾芻不燒香  
然燈供養如來窻觀波處及以二師湯水等  
事阿難陀曰由佛世尊為制學處不得觸火  
以此因緣諸苾芻眾遂便斷絕供養等事佛  
告阿難陀若觸火者作時守持雖觸無犯時  
諸苾芻不知云何作時守持佛言凡觸火時

作如是念我為供養佛故今須觸火或云為法為僧為鄔波馱耶阿遮利耶及已自受用并同梵行者為某事故今須觸火諸苾芻為染衣熏鉢等事數數觸火觸時忘念而不持心便生悔恨起惡作心我今如何故犯此罪即以此緣具白世尊佛言應云乃至事了長時守持時一苾芻身苦風病詣醫人所報言賢首為我准如是病而處方藥醫人報曰凡是風病得火為良當須近火報言賢首世尊制戒不許向火醫曰聖者世尊大慈緣斯事故必定開許以緣白佛佛言前是剗制今更隨開應如是說

若復苾芻無病為身若自然火若教他然者波逸底迦  
若復苾芻者謂是六眾餘義如上無病者謂除其病自他等義如前廣說此中犯相其事云何若苾芻以火頭共相戲弄或作日月輪形皆得墮罪凡苾芻然水之時應觀其事而

守持之若不守持輒然輒觸者得波逸底迦若滅火者亦得墮罪若苾芻捉火頭前火或抽火頭或翻轉火炭或翻轉糠藪等火隨作何事謂作食煮水然燈燒香等觸著之時皆惡作罪若以毛髮爪唾等棄火中者亦得惡作罪若此等事作時守持者無犯又無犯者

謂最初犯人或癡狂心亂痛惱所纏與欲已更遮學處第五十三

佛在室羅伐城逝多林給孤獨園時具壽鄔陀夷斷除煩惱得阿羅漢果已時闍陀苾芻遂往憍閃毗國靜緣而住其阿說迦補捺伐素二俱命過其難陀鄔波難陀在逝多林年

養

齒

並衰邁彼十七眾苾芻年漸長大勇健有力善三藏教便共詳議咸作是說我於長時常被六眾之所欺輕於彼眾中難陀鄔波難陀常為毒害於二人中鄔波難陀更為苦切我等宜應為作捨置羯磨一人告眾曰上座難陀即是其兄善明法務我等何能與作羯磨

一人議曰我今應權為誘誑不令入眾我等即便共為羯磨作是議已遂至其所告言畔睇阿遮利耶荅言願具壽無病白言上座所著支伐羅非常垢膩何不浣濯報言具壽我今年朽弟子門人見是衰邁各起輕心誰復肯為洗濯衣服彼便荅言大德可與我衣當

為浣濯于時難陀便以一衣付與令洗彼復報曰一種辛苦可摠與衣俱時浣濯即便被一破服摠與三衣彼得衣已咸悉漬以灰汁即往集處敷座席已便鳴犍稚俱至難陀所白言大德眾僧有事犍稚已鳴宜可暫入眾中共觀其事難陀報曰具壽我今如此形儀何得入眾若於眾中有如法僧自我當與欲即便與欲彼持其欲往至眾中為陳說已一人即起詣上座鄔波難陀所作如是語大德有罪我欲詰問幸見容許報云隨意白言大德頗憶於某時某處自作是語我當破汝等腹決取中腸繞逝多林其事實不鄔波難陀

共五八

十五

聞斯語已報言具壽豈已差之瘡重更傷損此事過去何勞在言白言大德如來大師亦依過去事為諸弟子而制學處即便強與作捨置羯磨大眾散已時鄔波難陀詣難陀所啼泣而住難陀問曰尔有何事今忽悲啼報言被諸黑鉢與我作捨置羯磨難陀報曰彼與我弟作羯磨者便是自於村坊城邑三界之內驅遣其身於弟何過然我今時當為申謝又彼僧伽作別眾羯磨作法不成我不赴集餘人報曰豈非大德前與欲耶難陀曰若作如是非所愛事我不與欲持欲不成是惡與欲少欲苾芻聞是語已各生嫌賤云何苾芻先時與欲後更追悔作如是語還我欲來不與汝欲時諸苾芻以是因緣具白世尊佛以此緣告諸苾芻問荅虛實廣說乃至我觀十利為諸苾芻制其學處應如是說若復苾芻與他苾芻欲已後便悔言還我欲來不與汝者彼逸底迦

若復苾芻者謂是難陀餘義如上又苾芻者謂此法中人與欲已者謂先已言與後便等者是索欲詞釋罪同前

此中犯相其事云何若苾芻先與欲已後便生悔報眾云還我欲來我不樂與者便得墮罪又無犯者謂最初犯人或癡狂心亂痛惱

所纏

十六末

根本說一切有部毗奈耶卷第三十八 益八

勢乃古鳴下之呻反先上有去聲去離上隙上益上八下

脅虛業矢反式反旨反眈反珍反尼反足反跟反下音熙反怡反許反

之下余反掉反徒反弔反豺反狼反下音郎反靡反苗反彼反沓反唐反合反赫反

弈上許反客反見反胡反廣反麤反翼反誘反酉反睇反弟反漬反在反智反

捷下稚上直反利反軋反下反已反差反亦反作反

根本說一切有部毗奈耶卷第三十九 益九

唐三藏法師義淨奉 制譯

與未近圓人同室宿過二夜學處第五十四

介時薄伽梵在室羅伐城逝多林給孤獨園時有眾多敬信施主來至寺中白諸苾芻曰聖者幸為我等宣揚正法樂欲聽聞苾芻報

曰賢首汝等有心樂聞法者當詣佛所佛自為說彼云聖者唯一大師瞻仰者眾天龍人

鬼皆願聞法知欲為誰而演法要仁等亦可為我誦經苾芻報曰世尊未許諸俗聞已共

起譏嫌捨之而去時諸苾芻以緣白佛佛言我今聽諸苾芻隨時誦經世尊既許苾芻誦

經彼便日日誦經不息諸有福德閑暇者晝常來聽既歸家已便於夜中告諸無福營作

之人作如是語君等當知彼諸聖眾於日日中常誦正法言詞美妙令眾樂聞聽者忘疲

如蜂食蜜時營作者聞斯語已報諸人曰仁等有福逢佛出世得聞法要獲大利益於日

等